

Funziuns liturgiches sò La Crusc



Dedolònesc ai 14 de setember, Esaltaziun dla Santa Crusc
ales 07:30 prozesciun da San Linert sò La Crusc,
ales 09:30 santa messa
dales 10:00 ales 12:00 ores d'adoraziun por vocaziuns,
ales 12:00 benedisciun y concluiju.

Le lift da La Crusc é en funziun dales 08:30 ales 17:30.



Vita de ploania y de paisc



“I te cherdì con to ennom” dij le Signur.

La ploania d'La Pli tol sò con ligreza te sòa comunité **Sofia Ploner** (La Pli) y ti fej les miús aodanzas ai geniturs Christian y Elisabeth: Idio, la Oma dal Ci y la Santa Patrona acompagneii Osta mōta con sòa benedisciun y proteziun.



Le Signur é mia lōm y mia salveza. (Salm 17)

La ploania d'La Pli tól comiè da **Franz Pedevilla** († 11.09.2021, 89 agn) y ti fej les condolianses ai familiars por la mort dal fre.
La vita eterna dáì, Signur, y confortele con to lominus!



Enformaziuns y terminis

KVW Senioreclub: en jöbia ai 16 de setember piunse ia con le bus dal Cone demez ales 9:30 por jí en pelegrinaje sò Ojes. Danló sarál alles 11:00 na santa messa zelebrada da signor Klaus y abelida dal cor de seniore. Se prenoté pa Lidia, ☎ 339 7899107.

Istitut Ladin: l'Istitut Ladin Micurá de Rū met a jí la presentaziun dal liber “La picia iarina dal bun cör” de Giulia Moling, en vendres ai 17 de setember ales 15:00 ete dal paiun a San Martin. Sc'al ess da ester bor tomp ven la manifestaziun fata tl Istitut Ladin. Por tó pert ól ester le green pass.

Ocio: l'apoteca d'Al Plan sará slüta dai 19 ai 26 de setember.

Döt le bun a:	Franz Trebo, <i>Desproch</i>	* 17.09.1926
	Maria Candida Trebo Maneschg	* 17.09.1936
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

12.09.2021 - 24. domegna ia por l'ann

n. 42

Fede co porta a jí do a Gejú

☞ **Is 50, 5–9 | Iaco 2, 14–18 | Mc 8, 27–35**

Dal Vangelo do San Merch:

Te chel tomp ²⁷é Gejú jü con sü discepui tai paisc dlungia Zesarea de Filipus. Sön tru ál damané i discepui: Che dij pa la jont che iu sun? ²⁸Ai ti á dit: Valch Jan Batista, d'atri Elía, endò d'atri n ater dai profec. ²⁹Danló i ál damané: Os endere, che dijeise pa os che iu sun? Sciomun Pire ti á respognü: Tö es le Messia! ³⁰Mo el ti á proibí de baié con zacai porsora el. ³¹Spo ál motü man da i istruí che le Fi dal Om messará patí trep y gnará refodé dai plü vedli, dai gragn prei y dai stüdiés dla lege; al gnará copé, mo do da trei dis ressoriarál. ³²Y al baiâ davert daldöt de cösc. Danló l'á Pire tut da na pert y á motü man da le brunteré. ³³Gejú s'á ôt y ti á ciaré ados a sü discepui y á amoní Pire con les parores: Vátan demez da me, sátann! Deache tö ne n'as nia enmont ci che Dio ô, mo ci che la jont ô. ³⁴Al á cherdé adalorch la meja de jont y i discepui y á dit: Chel co ô mo gní do, chel s'an desdiji de se enstes toli sòa crusc sön el y mo vegni do. ³⁵Deache chel, co ô salvé sòa vita, la pordará; mo chel, co pordará sòa vita por mia gauja y por gauja dal vangelo, la salvará.

I ponsun do: *Ince i discepui de Gejú jess valiade plü ienn le tru comot y sogü. Ai n'oress nia messei entres se meter con döt le monn, canch' ara va de dert o tort o de festidi por chi co ven slüc fora. Mo les ieranzas de so maester ne ti lascia degüna alternativa: “Chel co ô ester mio discepul toli la crusc sön el y mo vegni do.”*

I periun: *Dio onipotent, tö s'as cherdé a ester suzessurs de to Fi. Dásse la forza da ti jí do a Gejú sön so tru. De cösc te periunse plens de fidonza por El, Crist, nosc Signur.*

Vesco Wilhelm Egger “Sonntagsbibel”



☞ **Letöres dla 25. domegna ia por l'ann:**

Sap 2, 1a.12.17–20 | Iaco 3, 16 – 4, 3 | Mc 9, 30–37

Edema liturgica dai 12.09. ai 19.09.2021


DOM 12.	24. domegna ia por l'ann <i>Ennom de Santa Maria (Marion, Miriam, Mia), Guido</i>
08:30	gran messa por dōta la ploania s.m. d'aniversar por † Nazio Erlacher, Cargá <i>oferta por la ploania</i>
14:00	funziun dal Bato de Sofia Ploner
10:00	<i>s.m. a Al Plan</i>
Lön 13.	<i>Jan Crisostomus, Notburga, Tobia</i>
18:00	<i>s.m. a Al Plan</i>
Ded 14.	fešta d'Alzada dla Crusc <i>Cornelius</i>
→ 14:00	s.m. de sopoltōra dal † Franz Pedevilla , Puster
Dem 15.	<i>memoria dai set dolurs de Maria, Dolores, Ludmilla, Melitta</i>
Jöb 16.	<i>Cornel y Cyprian, Julia, Edith</i>
19:30	s.m. do intenziun dai nüc Günther Erlacher y Manuela Rigo
Ven 17.	<i>Hildegard da Bingen, Robert Bellarmin</i>
07:30	<i>s.m. a Al Plan</i>
Sab 18.	<i>Sabeda de Santa Maria</i> <i>Lambert, Richard</i>
07:30	s.m. d'aniversar por † Milia Kastlunger, Alnei s.m. por porsones amarades
08:00	pissia dai mituns y dles mitans co va ala Prōma Santa Comegnun
18:00	<i>s.m. pefestia a Al Plan</i>
DOM 19.	25. domegna ia por l'ann <i>Januarius (Gennaro), Igor, Ferdinand</i> Festa dai iubilei da noza
→ 08:00	corona dla comunité por † Franz Pedevilla
08:30	gran messa por la ploania y de rengraziamont por i iubilars da noza y sōes families 2^a s.m. de sopoltōra dal † Franz Pedevilla <i>oferta por la ploania</i>
10:00	<i>s.m. a Al Plan</i>
ampola:	por vis y †† dles families Kastlunger, Pliscia
ministronc:	• dedolōnesc y sabeda: Emma E. y Andreas • jōbia y domegna: Noemi y Sabine
i recordun:	Nazio Erlacher † 12.09.2012 Emilia Kastlunger † 17.09.2015 Maria Teresa Agreiter, Al Plan † 17.09.2020



Padre nostro

Padre nostro,
che sei nei cieli,
sia santificato il tuo nome,
venga il tuo regno,
sia fatta la tua volontà,
come in cielo così in terra.
Dacci oggi il nostro pane quotidiano,
e rimetti a noi i nostri debiti
come **anche** noi li rimettiamo ai nostri debitori,
e non abbandonarci alla tentazione,
ma liberaci dal male.

I mirachi de Gejú cuntés ai mituns (8)



En ström met man da baié

Da endlunch adalerch gnêl pūri da Gejú. Ai ti â creta ch'al podess i salvé. Al n'ea ince gnü önn adalerch co ea ström. La jont dijea: „Cösc é en endemonié.“ Gejú ti ê jü pomez al ström. La jont baiâ che Gejú ea bun da paré fora le rio spirit.

Y an â podü odei chera ara ea versamonter ensciö: le ström metea belavisa man da baié. La jont se fajea demorveia y dijea: „Val' de te n'él ciamó mai sozedü te Israel!“

Mo i farisei, co s'aratâ der devoc, dijea: „Ciodi é pa cösc bun da paré fora i ri spirit? Él mo forsc el entses en rio spirit?“

Ai n'â nia capí ci che Gejú â belo capí: Plü sterch co vigne rio spirit é le spirit de Chel Bel Dio.

Le tru nö dla Crejima



Co vára pa ennant con la Crejima?

Por ciefé respostes vegnel tigní döes seres d'enformaziun con le direttur tal ciamp dla catechesa dla Diozeja **Markus Felderer** por düc y dötes tla preparaziun ala Crejima tla Val Badia: joneza, geniturs, families, toc totes, catechisc ...

en lönesc, ai 20 de setember ales 20:00 a La Val, te dljia y te salf dles uniuns - plü por l'Alta Val Badia y
en jōbia, ai 23 de setember ales 20:00 a La Val, te dljia y te salf dles uniuns - plü por la Bassa Val Badia.

Düc é bel enviés da gní!

N.B. Al é pa ben lerch sce i se partiun sö tai dui termins!!